

# Ақийда дарслари (198-дарс) Фаришталарнинг вазифалари (биринчи мақола



00:00 / 30.08.2022 2092

Қуръони Каримда фаришталарнинг баъзи вазифалари ҳақида маълумотлар келган. Биз учун бу масалада ояти карималар асосий манбадир. Келинг, мазкур оятлардан баъзиларини ўрганиб чиқайлик.

1. Фаришталар Аллоҳ таолонинг каломи ва ҳукмини У Зотнинг бандаларига етказиш вазифасини бажарадилар.

Аллоҳ таоло Шуаро сурасида:

نِيْمًا لِّأَحْوَارٍ لِّهَبَلًا زَّن  
نِيْرِدْنُنْ لِمَنْ نَوُكَّتْ لَكِبْلَقِ عَلَع

**«Уни Рухул Амийн олиб тушди сенинг қалбингга,  
огоҳлантирувчилардан бўлишинг учун. Очиқ-ойдин араб тилида»,**  
деган (193-194-оятлар).

Ушбу ояти каримадаги «Рухул Амийн» деганда Қуръони Каримнинг бошқа жойларидаги каби, фаришта Жаброил алайҳиссалом назарда тутилмоқда; «огоҳлантирувчилардан» дегани эса «пайғамбарлардан» деган маънони билдиради.

Яъни «Эй Муҳаммад, Қуръонни Жаброил сенинг қалбингга пайғамбарлардан бўлишинг учун равшан араб тилида олиб тушди».

Аллоҳ таоло Ғофир сурасида:

اُولٰٓئِكَ هُمُ الَّذِيْنَ كَفَرُوْا وَهُمْ هُمُ الَّذِيْنَ كَفَرُوْا وَهُمْ هُمُ الَّذِيْنَ كَفَرُوْا وَهُمْ هُمُ الَّذِيْنَ كَفَرُوْا  
بِاٰتِآءِنَا الَّذِيْنَ كَفَرُوْا وَهُمْ هُمُ الَّذِيْنَ كَفَرُوْا وَهُمْ هُمُ الَّذِيْنَ كَفَرُوْا وَهُمْ هُمُ الَّذِيْنَ كَفَرُوْا

**«У даражаси юксак, арш эгаси бўлган Зотдир. У Ўз амри ила бандаларидан кимни хоҳласа, ўшанга мулоқот кунидан огоҳлантириши учун руҳни туширур», деган (5-оят).**

Аллоҳ таоло даражаси юксак Зотдир. Унинг даражасига яқин келадиган ҳеч бир зот йўқдир. Аллоҳ таоло Арш эгасидир. Шунинг учун ҳаммадан устун ва ҳаммага ҳукмини ўтказувчидир. У Зот нимани хоҳласа, шуни қилади. Унинг хоҳишига ҳеч ким тўсиқ бўла олмайди.

**«У Ўз амри ила бандаларидан кимни хоҳласа, ўшанга мулоқот кунидан огоҳлантириши учун руҳни туширур».**

Мулоқот – учрашув кунидан мурод қиёматдир. Рухдан мурод эса ваҳий ва уни олиб келувчи фариштадир. Даражаси юксак, Аршга эга бўлган, хоҳлаган ишини қиладиган Аллоҳ таоло Ўзи истаган бандасини пайғамбар қилиб, танлаб олади. Ўша бандага руҳни – ваҳийни туширади.

Мутавотир ҳадисларда ваҳийни олиб тушиш вазифаси фаришталарнинг улуғларидан бири Жаброил алайҳиссаломга топширилгани таъкидланган.

2. Фаришталар Аршни кўтариб туриш вазифасини адо этадилар.

Аллоҳ таоло Ал-Ҳааққо сурасида:

مُّهَيَّئِ لَهُمْ يَوْمَ الْقِيٰمَةِ اَنْۢبِيَآءَهُمْ وَجِئۡنَا بِالسَّمٰوٰتِ الْفٰسِقٰتِ  
الَّتِيۡنَّ كُنَّ يٰسۡرًا لِّمَنْۢ بَدَا لَهُۥنَّ ۗ لَئِنۡ لَّمۡ يَكُنۡ لَّآءَابُؤُنَّ لَآيۡدٍ لِّمَنْۢ بَدَا لَهُۥنَّ ۗ لَئِنۡ لَّمۡ يَكُنۡ لَّآءَابُؤُنَّ لَآيۡدٍ لِّمَنْۢ بَدَا لَهُۥنَّ ۗ لَئِنۡ لَّمۡ يَكُنۡ لَّآءَابُؤُنَّ لَآيۡدٍ لِّمَنْۢ بَدَا لَهُۥنَّ ۗ

**«Ва фаришталар унинг атрофида ва ўша Кунда Роббингнинг Аршини саккизтаси кўтариб турадир», деган (7-оят).**

Яъни Аллоҳнинг Аршини саккизта ёки саккиз турли фаришталар кўтариб турадилар.

3. Фаришталар жаннат ва унинг аҳлининг хизматини қилиб турадилар.

Аллоҳ таоло Зумар сурасида:

مُهَلَّلَاتٍ لَّأَقْوَامٍ وَأُوبَاءٍ تَحْتُفٍ وَأَهْوُؤِاجٍ إِذَا تَحَارَمَزَّةَ نَجَّالِ لَيْلٍ مُّبَرَّ أَوْقَاتٍ نِيْدَاتٍ قِيَسَو  
نِيْدَاتٍ أَحْوُلُخْدَافٍ مُتَبَطِّمُكَيْلَعٍ مَالَسِ أَهْتَنَزَخ

**«Ва Роббларига тақво қилганлар жаннатга гуруҳ-гуруҳ қилиб олиб борилдилар. Унга етиб келган чоғларида, унинг эшиклари очилди ва унинг қўриқчилари уларга: «Сизга саломлар бўлсин! Хуш келдингиз! Бас, унга мангу қолувчи бўлган ҳолингизда киригиз!» дедилар»,** деган (73-оят).

Ушбу ояти каримадаги жаннатнинг қўриқчилари фаришталардан бўлиб, улар «хазана» деб аталади.

Аллоҳ таоло Раъд сурасида:

نُؤُلُخْدَيِّ كَيْئَالَمَلَاوْمَهَاتَّيْرُدُوْمَهَجْأَوْزَأُوْمَهَائِبْأَنْمَحَلَصَنْمَوَاهَنْوُلُخْدَيِّنَدَعُتَّانَج  
بَابِلُّكَنْمَمْهَيْلَع

رَادِلَايَبْقُعَمَعَنْفَمُتَرْبَصَامَبْمُكَيْلَعْمَالَس

**«Адн жаннатларидир. Унга улар ва уларнинг оталари, жуфти ҳалоллари ва зурриётларидан солиҳ бўлганлари кирарлар. Сўнгра уларнинг ҳузурларига ҳар эшикдан фаришталар кириб: «Сабр қилганингиз учун сизларга салом бўлсин! Оқибат диёри қандай ҳам яхши!»** (дерлар) (23-24-оятлар).

«Адн» жаннатнинг номларидан бўлиб, луғатда «истиқомат жойи, истиқрор ўрни» маъноларини англатади. Демак, мазкур ақл эгалари – мўмин-мусулмонлар ўша сифатларни ўзларида мужассам этиб, бу дунёда уларга амал қилиб яшаб ўтганлари учун қиёматда Адн жаннатларига кирадилар.

«Унга улар ва уларнинг оталари, жуфти ҳалоллари ва зурриётларидан солиҳ бўлганлари кирарлар».

Мазкур жаннатга ҳузур-ҳаловатлари янада тўлиқ бўлсин учун ота-оналари, эр ёки хотинлари ва ўғил-қизлари ҳам қўшилиб кирадилар. Аммо шарт

бор. Ўша ота-оналар, жуфти ҳалоллар ва зурриётлар аҳли солиҳ бўлишлари керак. Аҳли солиҳ бўлмасалар, кира олмайдилар. Адн жаннатлари катта неъмат, унга кирганлар улўф мақомга эришадилар. Унда кўз кўриб, қулоқ эшитмаган неъматлардан баҳраманд бўладилар.

Бунинг устига «уларнинг ҳузурларига ҳар эшикдан фаришталар кириб: «Сабр қилганингиз учун сизларга салом бўлсин! Оқибат диёри қандай ҳам яхши!» (дерлар).

Бу эса уларнинг ҳузурларини янада зиёда қилади. Инсон бу дунёда ҳам бирор неъматга эришса, ҳузурланади. Аммо яқин кишилар уни ўша неъмат ила муборакбод этсалар, ҳузур янгиланади ва янада зиёда бўлади. Уларга фаришталар салом бериб, хизмат қилиб турсалар, нур устига нур бўлади.

4. Фаришталар дўзах ишларини ва унинг аҳлини жазолаш вазифасини ҳам бажарадилар.

Аллоҳ таоло Муддассир сурасида:

رَدَّتْ اَلْوَيْقُوتُ اَلْ  
رَشَبَلُّوْ حَاوَل  
رَشَعَا عَسَا اَهِيْلَع  
اُوْرَفَكَنْ نِيْدَلَلَّ نَنْتِف اَلْ اِمْمَهْتِدِع اَنْلَعَج اَمَوَّ ةَكِيْ اَلْم اَلْ اِلْ رَانَ لْ اَبَا حَصَا اَنْلَعَج اَمَو  
اُوْتُوْ اَنْ نِيْدَلَلَّ اَبَاتَرِي اَلْو اَنْ اَمِي اِ اُوْنَم اَنْ نِيْدَلَلَّ اَدَا زِيْ وَ اَبَاتُ كَلْ ا اُوْتُوْ اَنْ نِيْدَلَلَّ نَقِيْ تَسْرِي ل  
اَدُوْبُ ةَلَلْ اَدَارَا اَدَامَ نُوْرَفَا كَلْ اُوْ صَرَّم مَوْبُوْلُق يَفَ نِيْدَلَلَّ لُوْقِيْ لَو وَ نُوْنُ مُمُوْمَلْ اَوْ اَبَاتُ كَلْ ا  
يَه اَمَو وَ ة اَلْ اِكْبَبَر دُوْنُ حُمْلَعِي اَمَو اَشْي نَم يَدُوْ ي وَ اَشْي نَم ةَلَلْ اَلْ اَلْ ضِيْ كَلْ لَدَك اَلْ تَم  
رَشَبَلُّوْ يَرْكُذ اِلْ

**«У боқий қолдирмас ва тарк ҳам қилмас. У терини кўп куйдирувчидир. Унинг устида ўн тўққизта (фаришта) бор. Олов соҳибларини фақат фаришталар қилдик. Уларнинг ададини фақат кофирларни синаш учун қилдик. Китоб берилганлар аниқ ишонч ҳосил қилишлари учун. Ва иймонлиларнинг иймони зиёда бўлиши учун. Китоб берилганлар ва мўминлар шак-шубҳа қилмасликлари учун ва қалбларида касали борлар ва кофирлар «Аллоҳ бу билан нима мисолни ирода қилмоқчи?» дейишлари учун. Аллоҳ ана шундай қилиб, хоҳлаганини адаштирур ва хоҳлаганини ҳидоятга солур. Роббингнинг лашкарларини Ўзидан бошқа ҳеч ким билмас. Ва у (дўзах) башар учун эслатмадан ўзга ҳеч нарса эмас», деган (28-**

31-оятлар).

Ушбу ояти карималарда Аллоҳ таоло нима учун дўзахнинг хизматкорлари фаришталардан бўлгани ва нима учун уларнинг сони ўн тўққизта бўлганини баён қилиб бермоқда.

Чунки кофирлар томонидан бу масалада кўтарилган шов-шув шуни тақозо қилган. Шунинг учун ҳам қисқа-қисқа Маккий оятлар ичида биргина ушбу узун оят келмоқда.

Аллоҳ таоло бу тушунтиришни бошлаб, оятнинг аввалида: «Олов соҳибларини фақат фаришталар қилдик. Уларнинг ададини фақат кофирларни синаш учун қилдик», дейди.

Бу биринчи ҳикмат.

Дўзах соҳибларининг ўн тўққизта фаришта бўлиши кофирларни фитнага солади. Дарҳақиқат, шундай бўлди ҳам. Абу Жаҳл «Сизлардан юз киши улардан биттасини ушлаб олиб, дўзахдан қутулиб чиқишдан ожизмисиз?» деб масхара қилиб кулди. Яна шунга ўхшаш бошқа гап-сўзлар бўлди. Умуман, ушбу масала кофирларнинг ўз куфрларида чуқур кетишлари учун фитна бўлди.

Дўзах соҳибларини ўн тўққизта фаришта қилишнинг иккинчи ҳикмати:

«Китоб берилганлар аниқ ишонч ҳосил қилишлари учун».

Яъни яҳудий ва насронийлар Муҳаммад соллаллоҳу алайҳи васалламнинг ҳақ Пайғамбар эканликларига ва Қуръони Карим ҳақ китоб эканига тўла ишонч ҳосил қилишлари учун. Чунки айти шу гаплар аҳли китобларга нозил қилинган илоҳий китобларда ҳам бор эди. Ўша гапларнинг Қуръони Каримда ҳам келиши уларнинг ишончларини орттирар эди.

Дўзах соҳибларини ўн тўққизта фаришта қилишнинг учинчи ҳикмати:

«Иймонлиларнинг иймони зиёда бўлиши учун».

Чунки Пайғамбар соллаллоҳу алайҳи васалламнинг келтирган хабарлари содиқ экани Таврот ва Инжил томонидан ҳам тасдиқланганини билиб, мўмин-мусулмонларнинг иймонлари яна ҳам зиёда бўлади.

Дўзах соҳибларини ўн тўққизта фаришта қилишнинг тўртинчи ҳикмати:

«Китоб берилганлар ва мўминлар шак-шубҳа қилмасликлари учун».

Бу олдинги гапларни таъкидлаш учундир. Яъни аҳли китоблар ва мўминлар дўзах соҳибларининг ўн тўққизта фаришта экани ҳақидаги ишончларига ҳеч қандай шубҳа қилмасликлари учун.

Дўзах соҳибларини ўн тўққизта фаришта қилишнинг бешинчи ҳикмати:

«Қалбларида касали борлар ва кофирлар «Аллоҳ бу билан нима мисолни ирода қилмоқчи?» дейишлари учун».

**Дарҳақиқат, шундай бўлди ҳам. Мунофиқлар ва кофирлар худди шу гапни қайта-қайта айтдилар, айтмоқдалар.**

Ояти кариманинг сўнгида Аллоҳ таоло «**Аллоҳ ана шундай қилиб, хоҳлаганини адаштирур ва хоҳлаганини ҳидоятга солур**», дейди.

Дўзахнинг хизматини қилувчи фаришталар «забония» дейилади.

Давоми бор

**«Сунний ақийдалар» китоби асосида тайёрланди**